

ნაკადი

ფასი 1 მან. 50 კ.

№ 36

კვირა 27 ივლისი

1919 წ.

გაზეთი ამთავითვე გამოვა კვირაში ერთხელ კვირობით

მიიღება ხელის მოწერა 1919 წლისათვის

გ ა ზ ე თ

„ნაკადი“—ზე

გაზეთი გადიდებული ფორმატით გამოვა კვირაში ერთხელ კვირობით

გ ა ზ ე თ ი ს ფ ა ს ი :

ერთი თვით 8 მან., ცალკე ნომერი 1 მ. 50 კ.

დაკვეთა შეიძლება წლიურად. მიიღება განცხადება.

ხელის მოწერა მიიღება გაზეთის კანტარაში სასახლის ქ. № 5, იქვე შეიძლება მდივნის ნახვა დილის 9—2 საათამდე და საღამოს 6—8-დენ.

დღეა-ქალაქი ივლისი 27 1919 წ.

ბურჟუაზია პროლეტარიატის წინააღმდეგ.

ვისი დაუნდობელი სიტყვა პროლეტარიატს ბურჟუაზიამ. თუ მე ვბატონობ, მიყვარს ქვეყანა, მაგრამ თუ შენ შემეცილები ქვს-ქვანედ დავადუღებო, ამის დასამტკიცებლათ მან ორმოცდაათიათასი პროლეტარიატის თავი გასქყლიტა პარიზის ქუჩებზე.

ამის შემდეგ დარწმუნდა პროლეტარიატი თუ რა დაუნდობელ მტერთან ჰქონდა საქმეს დაადგა იმ გზას როცა ხელმეორედ აღმართამდა სამკვდროსასიცოცხლო დროშას თავისი მტრის წინააღმდეგ სანტიმეტალობას ადგილი არ უნდა ქონოდა და თავის ბუდეშივე უნდა ჩაეკლა ისტორიული მტერი პროლეტარიატისა და კაცობრიობის-ბურჟუაზია.

ამ გზით დაიწყო ღრეზანდელ რევოლუციონერ თავისი მსვლელობა პროლეტარიატმა, ბურჟუაზიამაც იგრძნო თავის აღსასრულის მოახლოვება, მაგრამ იტყვიან ეშმაკს ბედი სწყალობსო, სწორედ დღეს უსრულდება ბურჟუაზიას. მას ახალი ძალები ამოუდგა გვერდში დემოკრატიული სოციალისტების.

ინგლისის მუშათა პარტიის დემოკრატიულმა სოციალისტმა თავი ისახელა იმით რომ ინგლისის პალატაში შეკითხვა შეიტანა და მთავრობა გააფრთხილა ბოლშევიკური კომუნისმის საფრთხეზედ საფრანგეთის

პარლამენტის სოციალისტმა პარლამენტის ტრიბუნაზედ პროლეტარულ სოციალიზმს ომი გამოუცხადა და დემოკრატიას მიანდო სოციალიზმის განხორციელება, ბურჟუაზიის ახალ მოკავშირეთა გმირებს არ ჩამოაჩა ჩვენი მენშევიკების მთავრობაც და გამოეხმაურა თავის ევროპიულ თანამომხმეებს გამაჩნდა ბოლშევიკების წინააღმდეგ სასტიკი ღრეზა აგერ რამდენიმე კვირა ატუსაღებენ სადაც ბოლშევიკობას შეამჩნევენ ვისმეს რაშია დამნაშავე რა ცოდვა მიუძღვიათ მათ ამაზედ მთავრობა სდუმს.

ჩვენ მთავრობის ასეთი საქციელი არ გვაკვირვებს მაგრამ გვაკვირვებს და გვადლევენს კიდევ მენშევიკი მუშების საქციელი

ამგანაგებოთ თქვენ რომ ბოლშევიკური პრინციპი არ აღიაროდ ნუთუ როგორც მენშევიკ მუშებს სავალდებულოდ არ მიგაჩნიათ თავგამოდებით დაიცვათ საქართველოში სოციალისტური პროპაგანდა აგიტაცია.

საქართველოს რესპუბლიკის გუგუთა და გლეხთა მოძრაობა

და მისი რევოლუციონერი სულის კვეთება.

ჩვენ მეორე წერილში დავახსიანეთ დასასრული პოლიტიკურ და ეროვნული მოძრაობის. ამ წერილში კი ვეცდებით ღატაკ გლეხთა და პროლეტარულ თვალსაზრისით შევფასოთ მათ მიერ მოპოვებული ეროვნული და პოლიტიკური თავისუფლების მდგომარეობა.

*) გაგრძელება იხ. „ნაკ.“ № 35.

ნული და პოლიტიკური თავისუფლება.

ჩვენ ისტორიულად ვიცით, რომ ბედკრულ კაცობრიობას პირველყოფილ ველურ მდგომარეობიდან საერთოდ არ დაუწევია თავი, არამედ რჩეულს პირობებით და მდებარეობით დაჯილდოვებულთ, გამოყვანდა თვისტომი ადამიანი ბრძოლითა და უბედურებით ველურ მდგომარეობიდან.

ფილოსოფია და მეცნიერების მრავალი დარგი და თვით უდიადესი სოციალიზმის იდეა, სხვა დასხვა ერმა მისცა კაცობრიობას. ადამიანის დამახასიათებელ ღირებულების შექმნაში მრავალი ლამაზი ერთა სიცოცხლე ჩამარხული. არიან შტო, ნაწილი ადამიანებისა, რომელთაც თავის წარმოშობის დღიდან ღმრთის ველურობისა და ზიანის მეტი არავითარი სარგებლობა არ მოუტანიათ კაცობრიობისათვის. და მომავალშიაც თუ კაცობრიობის გამამშვენებელმა და ჯანსაღმა ერებმა არ გადახარშენ მათი ცხოვრება, თავის თავათ უბედურების მეტს ვერაფერს მოუტანენ ვერც თავის თავს.

ამ მოვლენასთან ერთად ისტორიული ფაქტია ისიც რომ ამა თუ იმ ერის ცხოვრებას მუდმივ კეთილი სამსახური არ მიუძღვის კაცობრიობისა და სხვადასხვა ერის წინაშე, არის მომენტები როდესაც მათ ბევრი ბოროტ-მოქმედება მიუყენებიათ სხვადასხვა ერისა და კაცობრიობისათვის. ეს მომენტები თვითველ ერის ცხოვრებაში იმისდამხედვეთი ცვლებოდა თუ რა კლასი და წოდება პყრობდა ერის შინაგან ძალებს.

საერთოდ კი ძველ და ახალ კაცობრიობის ისტორიას არ ახსოვს რომ რომელიმე ერის ცხოვრებაში მესვეურება ეცადოს უღატაკეს კლასს. მხოლოდ მეოცე საუკუნეში ეს მეორე წელია რაც ამცხო ძველ კაცობრიობას ახალი ხანის დასაწყისი რუსეთის გლეხთა და მუშათა შემოქმედებით, რაც უნდა ბევრი შხამი არ ამოანთხიან ძველი კაცობრიობის ბრიყვა პოლიტიკოსმა, ცრუ მეცნიერმა და ყალბმა ფილოსოფოსმა, მაინცა და მაინც უშეკველ ფაქტთ დარჩება ის რომ რუსთა ერს: მუშათა და გლეხთა სახით წილად ხედა უდიადესი როლი მეოცე საუკუნეს, მთავარ სარდლობა კაცობრიობის განახლებისა.

მაგრამ ვინ არ იცის რომ რუსეთის საეოო ცხოვრება ვერ ანათებს იმ ერთა გვერდით, რომელთაც ძველ და ახალ საუკუნეებში მიუძღვით ღვაწლი კაცობრიობის წინაშე. ვისთვის უნდა იქნეს სადამო რომ ვთქვათ რუსეთი მეფერამეტე საუკუნიდან მსოფლიო ჟანდარმერის როლის

ასრულებდომ, არავისთვის და მეცხრამეტე საუკუნის წმინდა აზრების მატარებელ რუსობას რომ ეთქვათ არა გვსურს რუსული სიმანინჯეში ვიცხოვროთ, გვიჯობს გავფრანგდეთო. მაშინ ღრეზანდელი რუსობა კაცობრიობის განახლების მთავარ სარდლად კი არა მის ჯარის კაცობისათვისაც საშუაო შეიქნებოდა.

ეს მაგალითი იმისთვის მოვიყვანე, რომ გვეთქვა ერის სიცოცხლეს და მის დამოუკიდებელ ცხოვრებას როგორ პირობებშია არ უნდა იყოს მისი მშრომელი კლასისთვის უდიადესი მნიშვნელობა აქვს.

ქართველი ერი მთელი საუკუნეთა განმავლობაში ცოცხლად იყო მოკეცილი სიკვდილის კუბოში და ერთი წელიწადი შეუსრულდა, რაც ამ სიკვდილის კუბოდან ამოვიდა ქართველი ერი, დაიწყო ცოცხალ ერთა შორის ცხოვრება.

ვინც ყველაზე მეტი ენერგია დახარჯა ქართველ ერის სიცოცხლის განახლებაში მან როგორც კლასმა უშეკველი ყველაზე ნაკლები მიიღო, მაგრამ ქართველ ღატაკ კლასს ღმერთმა აშოროს იმისი ფიქრიც კი რომ ეროვნული ცხოვრება და სიცოცხლე ჩვენი კლასიური ბედნიერებით გავზომოთ, ასეთი რამ ჩვენი ბრწყინვალე წოდებას ხშირად სჩევია. და ქართველი პროლეტარიატი და გლეხობა ერსა და მის კეთილდღეობას მომავალ ბედნიერებათ თვლის, და თუ დღეს მას სისუსტე გამოაჩნდა და ვერ იგდო ერის მესვეურება ხელთ, სამაგიეროდ მის წინ გაშლილია სიცოცხლის ასპარეზი, სადაც სხვადასხვა მახინჯი მოიკალთა ქართველმა მესჩანებმა, ამის წინააღმდეგ ღრეზიდან შეუძლია წმინდა კლასიური ნიადაგზე დაიარაღოს ქართველი პროლეტარიატი და ღატაკ გლეხობამ მიიტანოს სასტიკი იერიში მეშინათა დინასტიაზე, და მისი გადმოყრავების შემდეგ მის მეუფეების ქვეშ მართოს ერის საერთო ცხოვრება, ამ მსვლელობისათვის უკვე მზადდება გარეშე პირობები. საშინაო სამხადისისათვის ქართველი პროლეტარიატი და ღატაკი გლეხობა უნდა გამოერკვეს პოლიტიკური ბურჟუაზიდან და მზათ იყოს ხვალისდელი მომავლისათვის.

მაშ რაც ენერგია დავიხარჯავს ეროვნულ თავისუფლებისთვის და რაც მიგვიღია მის შედეგათ ძვირფასზე უფიერფასესია ჩვენთვის. მისი გაღრმავება მომავალში და არსებულის დაცვა რეაქციისგან დღეს ქართველი მუშის და ღატაკი გლეხთა პატარას და საამაყო მოვალეობას შეადგენს და არც ოდესმე იტყვის წინააღმდეგს.

პოლიტიკურ ბრძოლაში დაკარგული ენერგია და მისი შედეგი მშრომელ კლასისთვის.

4. ჩვენ რომ ერთგვარი საზომით გავზომოთ თუ რამდენი ენერგია მოხმარდა ქართველ მუშებისათვის სამ დიდ საკითხს ცალ-ცალკე, მივიღებთ შემდეგ ჯამს. ჩვენი ენერგიის ხუთი მეხედვი მოხმარდა ეროვნულ თავისუფლებას. ოთხმოცდა ხუთმეტი მეხედვი პოლიტიკურს. წმინდა კლასიური საკითხი, მისი შესწავლა და ბრძოლა ახალ მოვლენად უნდა ჩათვალოს ქართველ მუშისთვის.

ღრეზანდელი პოლიტიკური ცვლილებისათვის ქართველი მუშა წმინდა კლასიურ სფეროში დიდს ვერაფერს მოითხოვს, რადგან ოცი წლის პოლიტიკურ ბრძოლაში წმინდა კლასიური საკითხი არც იდებრად გაშუქებულა და არც პოლიტიკურად მიპყვევია ყურადღება. თავისთავად ცხადია, როცა ამ უდიდეს საკითხზე სხვადასხვა მიზეზით უმცირესი ენერგია არ დავიხარჯავს ჩვენს სასარგებლოდ აქ არაფერი გაკეთდებოდა და არც მომავალში გაუკეთდება რამ, ქართველ მუშამ და გლეხობამ თუ უდიდესი ენერგია არ მოახმარა კლასიურ ბრძოლას და მის შესწავლას.

ეროვნულ ბრძოლის შედეგზე ჩვენი აზრი მესამე წერილში დავასრულებთ აქ მხოლოდ იმას ვიტყვი რომ ქართველი მუშა ეროვნულ თავისუფლებას თავისი დახარჯული ენერგიის მიხედვით არასოდეს არ დააფასებს.

ეს ჩვენთვის ყველაზე უფრო საინტერესო უნდა იყოს ის რომ როცა ქართველმა მუშამ ოცი წლის ბრძოლის თითქმის მთელი ენერგია პოლიტიკურ ბრძოლას მოახმარა, რამიღო მის შედეგათ, და დღეს როგორი მოვალეობით სდგას პოლიტიკის წინ როგორც კლასი, ქართველი მუშა.

ამხანაგებო, საკვირველების ხანაში ვცხოვრობთ მეოცე საუკუნე თავისი შეუღარებელი ომებით, შეუღარებელი რევოლუციით, პროლეტარული სახელმწიფოთ, და უკიდურესი ეროვნული მოძრაობით, დიდ საკვირველობას შეიცავს, მაგრამ რაც საქართველოში ხდება პოლიტიკურის მხრით არა ნაკლებ საკვირველებას შეიცავს თავისი შინაარსით.

ჩვენ ვიბრძოდით პოლიტიკური თავისუფლებისათვის, რევოლუცია აქ არ შეჩერდა და უფრო წინ წავიდა თუ შევძლებდით და გავყვებოდით მას, რუსეთის მზავსათ ჩვენც სოციალისტური სახელმწიფო უნდა დავგვარებინა, თუ ამისთვის არ ვიყავით მზათ, პოლიტიკური თავისუფლებით თავისი ტახტი უნდა განემკვიდრებია ბურჟუაზიას. დღეს

ვის შეუძლია გვითხრას თუ რა ნაირი წესწყობილება საქართველოში? ბურჟუაზია და მისი წარმომადგენლები და დაცემის განიცდის საქართველოში,

სოციალისტური? სოციალისტებს სდევნიან, ციხეში ამწყვდევენ და ასახლებენ საქართველოდან. ეკონომიური უთანასწორობა და ძარცვა-გლეჯა ისე სასტიკი არც ერთ ბურჟუაზიულ სახელმწიფოში არ იქნება როგორც არის საქართველოში.

დემოკრატიულია? სიტყვას დემოკრატიას ბურჟუაზიული სახელმწიფოში ყოველნაირი ჯამბაზი ხმარობს მაგრამ მის შინაარსს იგი რაიმე კავშირი აქვს ხალხის უმრავლესობასთან. ხალხის უმრავლესობა არასათ ისე პატივს აყრის არ არის როგორც საქართველოში.

მაშ რაშია საქმე საიდან მომდინარეობს ფორმა და ინტერესი საქართველოს პოლიტიკური წესწყობილებისა და საით მიემართება ის.

საქართველოს პოლიტიკური წესწყობილება პირდაპირ გამომდინარეობს წვრილ-ფეხა ბურჟუაზიის ეკონომიური ინტერესებიდან და პოლიტიკური თარეში მისგანვე წარმომდგარი ტინგიცა ინტელიგენციისგან.

მაშა და შეილიც ამოფარებიან მუშათა პარტიის წმიდა სახელს და ალაზმა უწყის თუ რას სჩადან. ამით შორის მოყალიბა რამდენიმე მართალი ინტელიგენტი, რომლებიც არ ჩაითვლებიან ტინგიცების რიცხვში. ესენი გარჩენილი არიან ვით ჭოლოკი კაკლის ხეზე შეგდებული, რომელსაც აქანავენ ქარი ხან მარჯვნივ, ხან მარცხნივ, ხან ზევით, ხან ქვევით, მაგრამ ისე მაგრათაა გაქცეული ტრატებში, რომ თუ ვინმე არ მივიდა და არ გადასწია ან აქეთ ან იქით და ძირს არ დაუშვა თავის და თავით ისე დაღუპება ზედ, რომ ვერც ერთ მხარეზე მსვლელობას ვერ იზამს.

აი, გამომდინარე მიზეზები და მისი შედეგი დღევანდელი საქართველოს მახინჯი და სუფიქსი პოლიტიკური წესწყობილების, რომელსაც დღევანდელი მიმდინარეობით უმკვეთლი უფსკრულში გადაიხევა მოვლის.

პოლიტიკური წესწყობილება ბევრი დანგრეულია, ბევრიც დაინგრევა და ბოლოს სულ უნდა მოისპოს, რომლის ადგილს დაიჭერს სოციალისტური წესწყობილება, მაგრამ აქ რამდენიმე კითხვა უნდა დავსვათ:

1) **ისტორიული ფაქტია ის, რომ** სადაც პოლიტიკური წესწყობილება დანგრეულია მას წინ გაუმძღვანებია ის ძალა, რომელიც ზნეობრივად და ფიზიკურად იცავდა მას.

2) **კითხვა.** ხშირია ისტორიაში ისეთი მაგალითიც, სადაც პოლიტიკურ წესწყობილებასთან ერთად საუკუნეებით დანგრეულია ერის ცხოვრება და ბევრ შემთხვევაში სრულიად გაშრალა კიდეც.

3) **კითხვა.** მდგომარეობს იმაში, რომ ქართველმა მუშამ და გლეხ-კაცობამ თავის აკი წლის ბრძოლაში დაკარგული ენერგიის ოთხმოც-და ხუთმეტი პროცენტი პოლიტიკურ საქმეს მოახმარა. დღეს განხორციელებული მიზანი ზიანის მეტს არავითარ სარგებლობას აძლევს და ხვალ ასეთი წესწყობილება თავის იერ შეგულებულ ტაში ლამობს ჩამოგრჩეს.

4) ვინ უნდა დანაგრეოს დღევანდელი წესწყობილება და ვინ უნდა დაიჭიროს მისი ადგილი.

აი ოთხი დიდი კითხვა, რომელიც

ქართველ მუშას და ლატაკ გლეხ-კაცობას ნებას არ აძლევს გულცივად თქვას საქართველოს პოლიტიკური წესწყობილებაზე, ბევრიც დაინგრეულია და ბევრიც დაინგრევა. არა უმკვეთლად უნდა იქმნეს მთავარი მიზეზი განმარტებული. რამაც მიიყვანა დღევანდელი საქართველოს ქართველი ის ღონის ძიება, რომელიც პირდაპირ და აუცილებელი მოვალეობას შეადგენს ქართველთა მუშისა და ლატაკი გლეხ-კაცისათვის.

1) მიზეზი რომელმაც ჩვენი მთავრობის დაცემა გამოიწვია მდგომარეობის იმაში რომ დღევანდელი საქართველოს მესვეურებმა ამ რევოლუციური პრინციპის წინააღმდეგი ტაქტიკას დაადგენ იმ თავიდან, მენშევიკებმა მთელ რუსეთში უარყვეს პროლეტარიატის დაქვემდებარება და აღიარეს ამ რევოლუციური ბურჟუაზიის ორიენტაციით, ტაქტიკურად კი პროლეტარული პრინციპის გარეშე გამოაცხადეს პარტიული დიქტატურა. ამ ჯგუფმა როცა ირწმუნა და გაქართველდა აღიარა პრინციპის წინააღმდეგი ტაქტიკა ერთი ათათ გააძლიერა რადგან სუსტ მოწინააღმდეგეებთან ქონდა საქმე, ბურჟუაზიული პრინციპის ნიადაგზედ არ მოერიდა მენშევიკები როგორც მუშათა პარტია, და მთელი სახელმწიფოს ეკონომიური და ადმინისტრაციული მექანიზმი აიღო ხელთ, აქ დაიბერტყა მუშათა პარტია თავისი უმწიკლოების კალთა, აქ მოკვდა მისი ლამაზი და მკვეთრი კრიტიკა რომელიც მას რუსეთის სათათბიროს გაჩენიდან სიკვდილამდე, შარავანდედით მოსავდა.

რა თქმა უნდა ბურჟუაზიულ წესწყობილებას და მის მოხელეებს მუშადამ თან სდევს ბოროტმოქმედება და სიგლაზე ამ მხრით საქართველოს ნორჩმა სახელმწიფომ გადააქარბა ყოველგვარ ბურჟუაზიულ და ფეოდალურ სახელმწიფოს. მოიგონეთ სასურსათო საქმეები რომელიც კუთხეც გინდათ.

მოიგონეთ ადმინისტრაცია და მისი დღესაც შეუწყვეტელი თავხედობა და ათასგვარი სიგლაზე-ბოროტება, სადა არის აქ მთელ რუსეთში ცეცხლიანი კრიტიკით ცნობილი მუშათა პარტია? სამწუხაროდ და საუალოდ სწორედ მის დროშის ქვეშ ხდება ყოველივე სადაც ბოროტად მისულმა პირებმა თან გაიყარეს თავის გარყვნილების მორევა ბევრი გულწრფელად და ზნეობრივად ცნობილი მუშაკებიც, როცა მუშათა პარტიიდან ზურგგამაგრებული აქვთ დღევანდელ ბოროტმოქმედთ ისინი თავიანთ ბოროტმოქმედებას აღარ მალავენ და აშკარად განაგრძობენ მას.

2) **მიზეზი** გახლავთ ის რომ საქართველოს ძველი მუშათა პარტიის გარშემო დღეს დღეობით ძალიან ბუნდოვან სურათებმა მოიყარა თავი დღეს ნამდვილად არავის შეუძლია გვითხრას ძველი მუშათა პარტია ისევე მუშათა პარტია ფიქრობს და რჩენას თუ გადაკეთდა ის საქართველოს რესპუბლიკანურ პარტიად.

სინდიკალისტი

(შემდეგი იქნება).

სადღიისო მუსიკა.

4.

სამოციან წლების დასაწყისიდან ზოგმა ამ განცდით თავი დააღწია და იმ გზას დაადგა, რომ აღიარა, სოციალიზმი ძალიან შორეული მომავლის საქმეა. ესეკ ერთგვარი სულიერი სასოწარკვეთილებაა, მაგრამ იმედის მაქიაფებული მაინც არის. ასეთი იყო რუსეთში ჩერნიშევსკი, რომელიც ფიქრობდა, რომ სოციალიზმის დამყარება არ მოხდება 150—200 წლამდე.

დასალი კი ამაზე შორს მიდიოდა და ამბობდა, რომ იგი დამყარდება არა უადრეს 850 წლისა. რაღა გასაკვირველია, რომ ასეთი რწმენის ადამიანის ნება და სულის სწრაფვა მოდუნებული იქნეს. იგი ამ ჟამად მხოლოდ იმაზე ფიქრობს, რომ სრულებით არ შესწყდეს სოციალიზმის შესახებ ქადაგება, იმის განსახორციელებლად ზრუნვა და სამუშაოსი კი შემდეგ თაობათა საქმეთ არის გამოცხადებული. აქ მხოლოდ სოციალიზმის შესახებ იდეა ღია. მაშინ, როცა ორმოციან წლებში ცდა იყო და პროექტებიც კი სოციალიზმის განსახორციელებლად, რადგან ეს უკანასკნელი საღმრესო საქმეთ ეგონათ, ამის შემდეგი თაობა მხოლოდ ძიებას და გამოკვლევას მარცხისა შეუდგა, რათა გამოეცნო ის გზა, რომელსაც სოციალიზმთან მივყავართ. აი, ამ სულიერი ვითარების ნიადაგზე აღმოცენდა მარქსის „კაპიტალი“ და იგი მართლაც ცდილობს, ყველა დაარწმუნოს, რომ იმედს ნუ წარიკვეთთ სულითა და ხორციით, რადგან სოციალიზმს განახორციელებს თვით ბურჟუაზიული წესწყობილება. ეს უკანასკნელი კი იმ ჟამად წელში ძალაზე გამართული იყო, თამამად იშლებოდა და ვითარდებოდა. ამიტომ მარქსის ასეთი შეხედულება ერთგვარ სასოებას ბადებდა. აი, ამ მხრით არის, „კაპიტალის“ დიდი მნიშვნელობა საფულისხმო და არა იმით, რომ მართლაც მისაღები იყოს იმის აზრი, რომ ბურჟუაზიული პროცესი თავისთავად განახორციელებს სოციალიზმსა.

ვისაც ეს სწამს, და ასეთი რწმენის პირნი კი უმრავლესი არიან დღეს, იგი ორში ერთია ან ბაღია გონებითა და ქუთით, რომ ასეთი ზღაპარი დაიჯეროს, რომ კაცობრიობისთვის სასურველი და სანეტარო წესწყობილება სადმე ან ოდესმე თავისთავად განხორციელდეს და დამყარდეს. თუ არ სასტიკისა, ყოველდღიურად წარმოებულის ბრძოლისა და მედგარის შრომის შედეგად: ან ასეთი პირი გამოფიტებული გრძნობის პატრონია და ოინაზი, რადგან სხვის მოსატყუებლად თუ იტყვის, რომ სოციალიზმი ჩემს შემდეგ დამყარდება თავისთავად, ნელი პროცესის საშუალებითა. ასეთი რწმენა კი მას არ მოსთხოვს არც პირად ღვაწლსა და თავდადებას, არც სულისწრაფვას და არც პირად ღირსებას და ნამუშაინობას. იგი იფიქრებს, სოციალიზმს ხომ ვერ განახორციელებს ვერც ჩემი და ვერც ახლო მომავალი თაობა, ამიტომ ვიცხოვრებ ისე, როგორც ყველანი ცხოვრობენ და ამ ცხოვრებას სიამითა და ტკბილად გავაჩაჩაწლებო. ზოგი იმასაც კი იფიქრებს, რომ, რაკი სოციალიზმის ნიადაგს ნელი პროცესით ამზადებს ბურჟუაზიული წესწყობილება, მოდი ამ ჩემ სიცოცხლეში მუშათა

ყველფას ვაწარმოებ და ამით მეც ჩავირიცხები იმ პირთა შორის, რომელნიც სოციალიზმის განხორციელებას ეხმარებიან, ასეთი სულიერი დომხალის შედეგია ის მოვლენა, რომ დღეს ბევრი ბურჟუა და ბურჟუაზიული სულისკვთების პატრონი სოციალისტობს, სოციალისტებს კენჭებს უჩხრიალებს და თავი სოციალისტად მოაქვს. აი, ასეთი ოინაზური და ცბიერი სულისთქმა მოკვებოდა ასეთ შეხედულებას და სწორედ ასეთი შეხედულებაა, რომ ძირს უთხრის სოციალიზმს. მაგრამ საბედნიეროდ ეს ასე არ არის. ყოველი თეორია და მოსაზრება საზოგადოებრივი ცხოვრების შესახებ უნდა განხილულ იქნეს ისტორიულ პირობებში, უნდა გატარდეს ისტორიულ პირობაში, თუ კი შეიძლება ასე ითქვას, და მხოლოდ მაშინ გამოაშკარავდება მთელი სიქადე და ღირსება ამ თეორიისა, ამ მოძღვრებისა. ასეც უნდა შევეხეთ მარქსის „კაპიტალის“ ძირითად მოტივს. ამ მოტივს იმ დროს, იმ სოციალურ და პოლიტიკურ პირობებში, იმ სულიერ განწყობილებაში დიდი და უადრესი მნიშვნელობა ქონდა სწორედ იმ მხრით, რა მხრითაც მე აქ მას ვითვალისწინებ.

ჩვენ ისიც კარგად ვიცით, რომ ფრ. ენგელსი კატაკლიზმს. ე. ი. სოციალურ რევოლუციას მოელოდა 1898 წ. იგი ფიქრობდა, რომ ეს კატაკლიზმი შედეგად მოაყვებოდა ევროპის იმპერიალიზმს, რომელიც ოც მილიონ ხალხს შეაჯახებდა. ეს ასეთი გრანდიოზული შეჯახება აწიოკებდა ხალხებსა და ერებს, დეზორგანიზაციას შეიტანდა მეურნეობასა და წარმოებაში. გამოიწვევდა დაბნეულობასა და გამოურყვევლობას გაბატონებულ კლასებსა და მართველთა სფეროში და ააფეთქებდა კატაკლიზმს, ე. ი. სოციალური რევოლუციის დასაწყისს. ფრ. ენგელსის სწერს: „ეს ომი, რომელშიც თუთხმეტე-ოცი მილიონი კაცი მიიღებს მონაწილეობას და ერთმანეთს ჩეხვას დაუწყებს, ევროპას კი—დარბევას, როგორი დარბევაც ჯერ არც კი ყოფილა,—დაუყოვნებლივ წარმოშობს სოციალიზმის გამარჯვებას, და ძველი წესობილება ისე შეირყევა, რომ ამ წესობილების მხოლოდ და ნანგრევები გადარჩება, რომელთა ველარ აღადგენს ძველი კაპიტალისტური საზოგადოება, და ამნაირად სოციალური რევოლუცია შეგვიანდება ათი, თუთხმეტი წლით, მაგრამ ისე კი, რომ ამ ჟამად გამარჯვებას საფუძელიანად იდღესასწაულებს“. თუ ასე ფიქრობდა ფრ. ენგელსი, რომელიც სოციალ-დემოკრატების დალი-ლამა არის, მაშინ რაღა უფლებით, რაღა ამუსით ვეღარ ხედავენ ჩვენებური და გერმანიის მენშევიკები, რომ დღეს, სწორედ დღეს აღია დანთებული სოციალური რევოლუციის დასაწყისისა. ამ ომმა ამასთანავე სრული დეზორგანიზაცია შეიტანა წარმოებასა და მეურნეობაში. ამიტომ ასეთი საშინელი სამრეწველო და საეკონომიო კრიზისი მსოფლიოს მეორეც არ განუტდია. ჩვენ ხომ ვიცით და ეს ზევითაც მოვიხსენიეთ, რომ მარქსი ამ საეკონომიო კრიზისებს უკავშირებს სოციალური რევოლუციის გაჩაღების დასაწყისს. მაშასადამე, ამ მხრითაც სწორედ დღეს ის მომენტი, როცა ობიექტიური პირობანი გვიკარნახებენ, რომ სოციალური რევოლუცია დაიწყა,

იგი ხელიდან არ გაგვრჩება და იმის სასარგებლოდ სასტიკი ბრძოლა და შედგარი მოქმედება უნდა გაჩაღდეს.

ტიბერიელი.

(დასასრული იქნება)

საქართველოს რევოლუციური სინდიკალისტ გაშვრალთა პაპშირის პროგრამის ზოგადი დებულებანი.

შოკლე განხილვა მთავარი მუხლებისა.

5. ფედერალიზმი.

თუ სახელმწიფო ხელს უშლის მაშვრალ კაცობრიობის თავისუფლებას, უნდა მის ნაცვლად რაიმე დაწესებულება დავამყაროთ, რომელიც ძირიანად ეწინააღმდეგება და კონკრეტულად უარყოფს მას— ასეთი კი ფედერალიზმი.

მართალია, მომავალს ცხოვრების იდეალად ვერ დავისახამთ დანაწილება-დაქუცმაცებას, მაგრამ ვერც ცენტრალიზაციას შევეგუებით. დავაკვირდეთ თვით ცხოვრებას. ვინ შესძლებს, თუ არა ბრმა, უარყოფს ცხადი ფაქტი, რომ ოლქი სკდილობს დამოუკიდებელი გახდეს ცენტრისაგან, კომუნა—ოლქისაგან და კომუნაშიაც პიროვნება თავის თავისუფლების დამყარებას სცდილობს. ეს კი იმის დამამტკიცებელი და მაჩვენებელია, რომ ადამიანთა ურთიერთობაში ღრმა რეფორმა ხდება: დღემდის თუ სახელმწიფო წარმოადგენდა ზევიდან ნაძალადევად თავზე მოხვეულ კავშირს, დღეს თავი იჩინა მოწინააღმდეგე ტენდენციამ, რომლის მიზანია: განახორციელოს ნებაყოფლობითი კავშირი ქვევიდან ზევით: ნებაყოფლობითი კავშირი (ფედერაცია) ინდავადთა კომუნაში, კომუნებისა ოლქში, ოლქებისა გრაგუნდ ფედერაციაში და ამ ფედერაციას მთელი ქვეყნის კონფედერაციაში, რომელთა სოციალისტური შინაარსით შევსება პირდაპირი მოვალეობაა მებრძოლი პროლეტარიატისა.

მიგაჩნია რა სოციალისტური რევოლუცია საღმრესო საკითხად, ვერ გადავდებთ ამ საკითხის ცხოვრებაში გატარებას.


თუ ჩვენი სოციალისტური საერთაშორისო ძმობა ცარიელი სიტყვა არ არის, იმ შემთხვევაში არც ფედერალიზმი ცარიელი სიტყვა, რადგან საერთაშორისო ძმობის განხორციელების პირობა ხალხთა არა ნაძალადევი, არამედ ნებაყოფლობითი კავშირია, რომლის ერთადერთი ფორმა ფედერალიზმი.

პოლიტიკურად პროგრესი მიესწრაფება სრულ დამოკიდებულობიდან ე. ი. დესპოტიიდან საბოლოო დამოუკიდებლობისაკენ.

ყოველგვარი ცენტრალიზაცია კი დამოკიდებულობის გაძლიერება და დამოუკიდებლობის უარყოფა.

დეცენტრალიზაცია და ფედერალიზმი კი ისეთ პირობებსა ჰქმნიან, სადაც ისობა ძალთა ერთი მეორისაგან დამორჩილება, ერთი მეორის დაჩაგვრა, სადაც ფუნქცია ფუნქციას არ აწევა თავზე და არ ამხინჯებს. დეცენტრალიზაცია და ფედერაცია განუყრელი არიან, სადაც ორივენი ერთად და არა ცალკე, ჰქმნიან ისეთ პირობებს, სადაც დამოუკიდებელ და სასარგებლო ძალთა და ფუნქციების ნორმალური კავშირი მყარდება.

ეს კი იმიტომ, რომ ცხოვრების კანონი თავისას შვრება და ნელ-ნელა



ლა ხორციელდება უდიდესი პრინციპი ყოველი საზოგადოების ნორმა-ლური განვითარებისა: რაც შეიძლება ნაკლები ენერგიით, რაც შეიძლება მეტი საკეთის მომსახურება.

მხოლოდ ფედერალიზმს შეუძლია სრული გახადოს პირადობის და ჯგუფის თავისუფლებით ის ბედნიერება, რომელსაც სოციალიზმი თანასწორობის განხორციელებით დაამყარებს.

თანამედროვე მრწველობის ორგანიზაციები წარმოადგენენ მთელ სისტემას მუშათა კავშირებისა და ასოციაციებისა. თანამედროვე მუშათა ბირები, ფედერაციები და ორგანიზაციები შეიცავენ წარმოების და მოხმარების ყველა ელემენტს. და ამისათვის, როგორც წარმოების, ისე ნაწარმოების მოხმარება მათი საქმე უნდა გახდეს; დღეს ისინი მომავალ საზოგადოების ჩანასახს წარმოადგენენ—ხვალ ისინი გახდებიან მთელ საზოგადოებად. ეს მუშათა ორგანიზაციები კი ფედერაციული ორგანიზაციები არიან და მასთან არა შემთხვევით, არამედ ისტორიული გამოცდილების მეშვეობით, ამგვარად ფედერალიზმის პრინციპი ხელოვნურად მოგონილი იდეა კი არ არის, ის თვით მუშათა კლასმა შექმნა და დააყენა სადღესიო კითხვად ფედერალიზმი ის პრინციპია, რომელიც პარიზის და კართაგენის კომუნებმა თავიანთ სისხლით უკვე დაჰყვეს და შემდგომში ბოლომდე პროლეტარიატს გადმოსცეს თავისუფლების იმედს და სანუგეშოდ. თუ თავისუფლება საქართველოში, სოციალიზმთან ერთად ფედერალიზმშიც უნდა გაიმარჯვოს.

(შემდეგი იქნება)

დაგეგმვა პრეზა და პონსტიშუნი.

(გაგრძელება იხ. „ახ. ნაკ.“ № 35)

ყოველი რევოლუცია შედეგად საზოგადოებრივ ძალთა ურთიერთობის შეცვლისა. თუ იგი გამარჯვებით თავდება, მას მოსდევს აუცილებლად შეცვლა წესწყობილების რევოლუციონერთა, ან ჩაგრულთა სასარგებლოდ და შესაფერი რეფორმები. სრული გამარჯვება რევოლუციისა მოითხოვს აუცილებლად დამაფუძნებელი კრების მოწვევას, რომელმაც უნდა ჩამოაყალიბოს ხალხის ნებასურვილი: ამიტომ იგი სრულიად დამოკიდებულია რევოლუციონერ დემოკრატიაზე და მის კარნახზე. ამიტომ დემოკრატია ვერ დასტოვებს პოზიციებს და ვერ მოახდენს ძალთა დემოკრატიზაციას მანამდის, სანამ ახალი წყობილება უზრუნველყოფილი არ იქნება ყოველგვარი უბედურობისა და შეღავათისაგან.

ამის გამო, კონსტიტუცია, რომელსაც დასწერს დამფუძნებელი კრება, სრული გამოხატულება უნდა იქნეს რეალურ ძალთა განწყობილებისა და ხალხის ნებისყოფისა და თანახმად შესაფერი გარანტიები ხალხის უფლების უზრუნველყოფისა.

ჩვენი კონსტიტუცია უნდა შეეფერებოდეს ქართველი ხალხის ნებასურვილს. ჩვენმა ერმა მრავალი საუკუნოების განმავლობაში შხამითა და სიმწარით სავსე ცხოვრება გამოიარა. მას სულს უზუთავდა ორგვარი უსამართლობა: სახლში გაბატონებული თავად-აზნაურობა და გარედ—შემოსული ურდოები, რომელნიც სულს ხდიდნენ ჩვენ ბრძო-

ლით მოქანცულ წინაპრებს და თავის გაჩენის დღეს აწყველინებდნენ.

117 წლის რუსეთის ბატონობამ ეს ურდოები ქართველ ხალხს თითქმის ჩამოაცალა, მაგრამ უარესი მტარვალები მიუსია მას თავისი მოხელეების და პოლიტიკის სახით. ამას ზედ დაერთო ბატონყმობის იმ წესების გადმონერგვა ჩვენში, რომელიც რუსეთს მაგალაჟუნასავით თავს დასწოლოდა და სულს არ ათქმევინებდა. უაღრესად შეწუხდა ქართველი მშრომელი ხალხი და თითქმის სასოწარკვეთილებას მიეცა.

მაგრამ დაჰქროლა იმედიათა სიომ ცხრაასიან წლებში, ხალხი შეიშაშინა, წელში გასწორდა და გაბედულად ჩაება იმ უზარმაზარ მოძრაობაში, რომელსაც რუსეთის დიდი რევოლუცია ეწოდება, მოექცა მის ავანგარდში და თითქმის ოცი წლის განუწყვეტელი ბრძოლის და აუარებელი მსხვერპლის შემდეგ მიადგა ბრწყინვალე გამარჯვება: იგი განთავისუფლდა ორწიად: ეროვნულად და პოლიტიკურად. ქართველი ერი ესლა დამოუკიდებელი და თავისუფალია და თვითონ არის თავის ბედის პატრონი. ასევე უნდა იქნეს ჩვენი ხალხი თავის ბატონი შინაურ პოლიტიკურ ცხოვრებაშიც და სირცხვილი იქნება, თუ ამდენი ბრძოლით მოპოვებული და ქირანახული თავისუფლება არარად ვაქციეთ ჩვენი დაუდევრობით, ჩვეულებრივი გულგუთილობით თავუფლებრივი ნდობით. რომელსაც ჩვენ ვიჩენთ მომქმედ პოლიტიკურ პარტიების მიმართ.

ყველა პარტია—პარტია არის. მას, სულ ერთია როგორიც იქნება იყოს იგი, აქვს თავისი შინაური ცხოვრება, საკუთარი ინტერესები, პრესიქსისა, გავლენისა, ბატონობისა; მას თან ახლავს ყოველივე, რაც ახასიათებს კერძო ოჯახს ან ჯგუფს.

აქვთ საშინაო და საგარეო პოლიტიკა და ხშირად ქვეშაირებმა პარტიების ბიუროების კულუარებში იმალება და ხალხი მხოლოდ დემაგოგიით იკვებება.

ჩვენ პარტიას უნდა ვუყურებდეთ არა როგორც მმართველს და პოლიტიკური საქმეების გამგეს, არამედ როგორც ხალხის მსწავლებელს, გზის მაჩვენებელს და თვალის ამხელს. ნამდვილი სახალხო, სოციალისტური პარტია სხვა როლს ვერ იკისრებს, მაგრამ დღეს, დიდი რევოლუციის დროს, თუ ხალხი მათ წინაშე უცხადებს საქმეს ანებს და გვერდში უდგია, ეს იმას სრულიად არ ნიშნავს, რომ მათ მიატოვონ თავი საქმე ქვეშაირების მქადაგებლისა და ხალხის მსწავლებლისა, მიითვისონ ხალხის უფლება და მისი სახელით აკეთონ პარტიული საქმეები.

დიახ, ეს იმას არ ნიშნავს და ამ გარემოებას მეტის ყურადღებით უნდა მოვყარან ჩვენი პოლიტიკური პარტიები, რომელთაც უკვე დაავიწყდათ თავისი წმინდა მოვალეობა, წარმოადგინეს, რომ წინ უდევთ მოკლული დათვი—სახელმწიფო ძალაუფლება—და მის დასაკუთრებაში ერთმინეთს სასტიკად ეცილებიან.

მაგრამ ხალხი, რომელიც არის პატრონი ამ ძალა უფლებისა, ვერ დაჩრება გულგრილ მაყურებლად და, თუ ჩვენმა პარტიებმა, რომელთაც მოკრბებს ხმები თავისი სიებით და შევლენ დამფუძნებელ კრებაში, დაივიწყეს თავისი მოვალეობა, მაშინ მშრომელი ხალხი, რევოლუციონერი დემოკრატია, შესაფერისად

მოაგონებს მათ თავის მოვალეობას და იმ დაელოებას, რომელსაც ხალხი დამფუძნებელ კრებას აძლევს.

მე გვათავაზე. არ ვიცი შევსძელი თუ ვერა დასახული მიზნის შესრულება, რადგან ვგრძნობ, რომ საკითხის სიმძიმე ჩემს ძალღონეს აღემატება, მაგრამ მაინც ბედნიერად ჩავსთვლიდი ჩემ თავს, თუ ცოტადენი სინათლე მაინც მოგვინე ამ საქართველოში, სადღესიო და მეტად მნიშვნელოვან საკითხს ჩვენი ერის ცხოვრებისათვის, რომელიც უნდა გაიფურჩქნას—ვით ტურფა თავგული გაზაფხულისა დამოუკიდებელ და ისევე ლამაზ და თვალწარმტაც თავისუფალ საქართველოს საზღვრებში.

ი. ვარაზაშვილი.

23 თებერვალი 919 წ.

ქიათურა

ორი მოპირდაპირი.

ორი მოპირდაპირე ბანაკი საშინელი ძალთა მოპირობაში შლიან საომარ ფრონტს, ერთ მხარეზე ირანზემ ბურჟუაზია, მეორეზე კი რევოლუციონერი პროლეტარიატი.

ორივე ბანაკი დღითი დღე აფართოებს ფრონტს. პროლეტარიატის სარდლობა წილად ხვდა ლენინს, იგი აწარმოებს ჯერ-ჯერობით მედგარ შეტევას მოპირდაპირეებზე, თვისი წითელი რაზმებით. მოპირდაპირე ბურჟუაზიული სარდლობა, კლემანსო, ლოიდ-ჯორჯი და მისი თანაშემწეები. სოცარი ენერგიით ლესავენ თვისი პოლიტიკის შხამიან ხმლებს, პროლეტარიატის ყელში გასაყრდელად საკაცობრიო გათანასწოების დასათრგუნად. მაგრამ თუ დავაკვირდებით თანამედროვე საერთაშორისო მსოფლიოს წახალ ფრთებ გადაშლილ პერსპექტივებს, სულ სხვა რამეს გვეუბნება, აღარც იმდენად საშიშია ცნობილი კლემანსოს ნაციონალიზმით შეცდომაში შეყავს მასა; დღეს უკვე აშკარაა ეს მასაც ერკვევა ბურჟუაზიული ნაციონალიზმის ქსელისგან. და დგება საერთაშორისო ინტერნაციონალიზმის ნიადაგზე; ამას გვიმტკიცებენ იტალიის მუშების სისტემატური გაფიცვები, ისპანიის, ოლანდიის და სხვა, რომლის ცნობებიც მოდის სალტე შემორტყმული ევროპიდან; მოკავშირეთა ბურჟუაზიული დიქტატურა უნდა დაამცხოს პროლეტარიატის ძალამ, რომ საერთაშორისო იმპერიალიზმი სამუდამოდ იქმნას დასამარცხელი.

და მის ნანგრევებზე აშენდეს წმინდა ეკონომიური კაცთა თანასწორობის სამეფონი—აი აქ არის ხსნა პროლეტარიატის და ამ საბედისწერო ბრძოლისთვის უნდა მოემზადოს ჩვენი მუშებიც, ჩვენი პროლეტარიატიც, კლასიურად, გონებრივად, ფიზიკურად ერთი სიტყვით ყოველი მხრივ.

ამ კვირაში ილდესასწაულა ბურჟუაზიასთან ერთად ფრანგმა მუშებმაც გერმანიის დამარცხებით ზავის მიღება, ეს ზავი სამუდამოდ ბოროტებით დაუსრულებელი, მომავალი საშინელი სისხლის ღვრის ახალი ნიადაგი.

მაგრამ ბოროტების ძირიანფესვანად აღმოსაფხვრელად კიდევ გვაიმედებს ახალი მომავლის იმედები ეს არის გათვითცნობიერება საერთაშორისო მუშათა მოძრაობის დარაზმა ცალკე ერთ ბანაკად ბურჟუაზიის წინააღმდეგ. სადავე ინციატივა ბოროტების რომელიც დღეს დღეობით

ამ ბურჟუაზიის ხელთ არი; დაუყოვნებლივ უნდა აღმოიფხვრას, მის ადგილას უნდა აღმოცენდეს კაცთა თანასწორობის საერთაშორისო ინტერნაციონალიზმი, სადაც ყველა ერთი თავისუფალი იქნება და ყველა ერთივე მუშათა კლასის ხელში იქნება ერის ბედობალი.

ბურჟუაზია კი უნდა გამოეთხოვოს თავის ბოროტების პოლიტიკურ ბატონობას, ის უნდა დაჩრეს ისე როგორც მანქანისთვის უბრალო ვინტი.

გ. ნავარძელი.

ხაშურის ფაქტობრივად.

არსებითად მიძნელებდა წერა ს.-ფ.-მის პარტიის წინააღმდეგ—ვინაიდან ჩვენ არა ვართ ისეთი უტიფარი ფანატიკი, რომელსაც ფურთხს უძღვნის იმას, რასაც წინად თითონაც ემსახურებოდა. ჩვენ ყოველთვის თვალწინ გვიდგას დიდებული აზრდონი—რომელთაც საქართველოს და მშრომელი ხალხის სამსხვერპლოზე დასდვენ თვისი მე, რომელთაც ქართველი ხალხის მიძინებული ეროვნული ქურის გაღვივებაში—პირველი ადგილი უჭირავთ...

მაგრამ ვიტყვით სამწუხაროდ და სავალალოდ, რომ ეს ამაყი თვისებები მხოლოდ შორეული წარსულის მკრთალი ლანდები, რომელნიც პირველი მძლავრი—სიმართლის გამოშუქებით იფანტებიან, შავი ბურჟუაზიის იმპერიაში და დღეს როცა ერთადერთი მათი იდეალი—საქართველოს ხატება ამაყად გადმომდგარა კავკასიის აქეთა მხარეს და მწუხრის, მომხდელით თვალებით გასცქერის—ილუმინობით მოცულ, გამოურკვეველ—ბედის ვარსკვლავს ევროპისაკენ. როცა სასომხილილი ესოდენ ძლიერი, რკალივით გარშემორტყმული, ვერაგი, შინაური და გარეშე მტრები დაძრწიან მის ტურფად მოვარაყებულ მინდორ-ველზე, როცა ყვავ-ყორანთ ფერხული გაუმართავთ დაავადებულ, ლეზად ქცეულ—საქართველოზე. („თავისუფლო“) როცა ყოველი გულწრფელი სალი პატრიოტის, სამშობლოს და კაცობრიობის მოყვარულის გული ბოღმა-ნადევლით იცხება. ესოდენ ტანჯულ, განაწამებ ერის უარეს ყოფით, როცა უნდა შემოკრბეს მთელი სასიცოცხლო ძალები ტყვეთქმნილ სამშობლოს და მშრომელი ხალხის გასანთავისუფლებლად, როცა საქართველო, მშრომელი საქართველო, ძლიერი ტვირთქვეშ მგმინავი—უყვიის გმირებს, მებრძოლებს, სად არის ამ დროს ეროვნულ-სოციალისტური პარტია „სოციალიზმ-ფედერალიზმი“ თეორიით შეიარაღებული?.. სად არის ის მტკიცე ორგანიზაციები საიდანაც წინად მხურვალე, ღრმა პატრიოტული, მგზნებარე სიტყვებით—ალტყინებაში მოყვანილი ხალხი ემზადებოდნენ წარმომადგარიყვენ მტრების სამსჯავროს წინაშე—პატივ-აყრილ ერის და მშრომელი ხალხის სასარგებლოდ?.. სად არიან ის რაინდნი, რომელნიც ესოდენ ფანატიზმით ლოცულობდნენ—ამაყ წინამორბედს ლანდებს?.. რას ვხედავთ ესლა ყოველივე მაგის სანაცვლოდ?.. მხოლოდ და მხოლოდ ყრუ უსიტყვო კედლები პარტიული „ბიუროკრატისა“ მხოლოდ და მხოლოდ ქორიკანობაზე ამეტყველებულ ორგანიზაციებს იქნება იმითმ რომ ქლე

სინამდვილემ გარკვეულწილად, საკმაოდ ველომ საკმაოდ შეცვალა (და თუ ჯერ-ჯერობით საესებით ვერა—ახლო მომავალი დაგვანახებს) მეტბოროტი მუწუკი, პარაზიტი, რომელთაც მრავლად გააყოლა „სოციალიზმ-ფედერალიზმი“ შეფარებული გამოფიტული. უსაქმო ინტელიგენცია. იქნება იმითმ რომ მშრომელმა მასამ დიდი ხანია დასამარა და წყევლა-კრულვას მისცა თვისი მტრები და ამა ფედერალისტები საღაგეკოდნენ (მე მხედველობაში არა მყავს ყოველი ს.-ფედერალისტი). სულთათანა უკვე უგალობეს მათ... და აი ესლა უსაქმოდ მიტოვებული ორიოდ მოწელიგენტო კუდაზბიკები მოკალთებულან პარტიულ ბიუროებში და ღვარძლიანობით, ქურჩურის დემაგოგიით, ჭორიკანობით ატბორებენ ისედაც მოშხამულ ატმოსფერას და რაც ყველაზე უფრო გასაკვირელი და სავალალოა მაგას ჩაღიან სოციალიზმ-ფედერალიზმის მაღალი ავტორიტეტით. შეურაცხყოფას აყენებენ ამ დიად მცნებას, თვისი ტლანქიანი ფეხებით სთელენ სოციალიზმის წმიდა იდეას, თვისი მოწამულ ბანჯღელიან ხელებს აფათურებენ—სამართლიანობის და ქვეშაირების ქალწულობრივ გულში... და ეს ღვარძლი ითესება და შემდგომ სინათლეზე გამოდის პარტიულ ბიუროებიდან. მე კერძოდ მხედველობაში მყავს ხაშურის ახალგაზრდათა ფედერალისტური ორგანიზაცია (ლაპარაკი მთავარ ორგანიზაციაზე, რომელიც ფაქტიურად არ არსებობს, ჩვენ არ შეგვიძლია, ვინაიდან თუ არაფერს აკეთებენ არც აფუქებენ) ღვარძლიანობა, შური და მტრობა, აი ერთადერთი საფარი, რომლითაც შეიარაღებულნი არიან ისინი, ბიურო გადაუქცევიან „სააგენტოთ“ ყოველგვარ პროვოკაციის, ჭორიკანობის, მოქიქველობის. ვინც ალლო აულო ამ საზიზარ მოქმედებას, იმათ წინააღმდეგ განსაკუთრებით არი მიმართული მათი შხამიანი ისარი. რა გინდათ რომ მათ არ უწოდონ, რა სახელებით შეამკონ. პირადათ ჩვენ ყველაფერს ბანს აუტაცვდით, ყურადღებას არ მივაქცევდით მათ ცინიკურ „საქმიანობას“, რომ ერთი უსაშინელესი ბრალდება—უკეთ რო ვსთქვათ ქვეშაირმული, გველური სისინი, თითქმის ჩვენ მაშინ როცა ვხელომდვანდობდით ზევით აღნიშნულ ორგანიზაციის ფარულად ამავე დროს ბოლშევიკებთან ვმუშაობდით, ე. ი. ვიყავი ჯაშუში, მოლაღატე, გამცემი. მე თავიდანვე ყურადღება მივაქციე ამ გარემოებას. და მოვითხოვე, რომ ეს ლაქი, რომელსაც მალულად მე მცხებდნენ. გამოტანილ იქმნას სააშკარაზე, სოროებში ნუ იმალებიან, დეე ხმა მალა განაცხათონ ის, რაც მათ ღვარძლიან გულში მოკალთებულა. რომ მომეცეს საშუალება წაერსდგე სამსჯავროს წინაშე... მაგრამ ამაოდ, ისინი კვლავ განაგრძობენ უმსგავსო განგაშს, საზიზარ პროვოკაციას... მე ვაცხადებ არა თუ მაშინ, როცა მათ ორგანიზაციის ვთამჯდომარეობდი არამედ ესლაც არავითარი კავშირი (გარდა ამხანაგური) ბოლშევიკებთან არა მაქვს. ნუ თუ არ წითლდებიან ასეთი ბნელი საქმეთა მოსაქმენი? მაგრამ განა მათ სირცხვილის გრძნობის იოტის ოდენა გრძნობა მაინც შერჩენიათ? რომ ეს ბრალდება არ დაატყდეს მთელ ორგანიზაციას, რომელშიაც დღესაც მოიპო-



ვებიან გულწრფელი ამხანაგები, მე მოვითხოვ რომ მათი (ორგანიზაციის) დღიდან ამ წერილის გამოქვეყნების პრესით მიმასწავლონ ვის ეკუთვნის ეს სისინი? და რა ზომებს ღებულობს ორგანიზაცია, წინააღმდეგ შემთხვევაში მე ვიტოვებ უფლებას ვუწოდო შესაფერი სახელი არა იმ „ზნელ საქმეთა მოსაქმეთ“ არამედ მთელ ორგანიზაციას... უკან დაფურცლო, მათი სამარცხვინო სახელწოდება... მე მჯერა რომ ორგანიზაციის კიდევ შერჩენია გონიერება რომ ღრმად ჩაუკვირდეს მაგ საკითხს...

მე ველი თქვენგანს, ამ უახლოეს ხანში, გაბედულ ნაბიჯს, ველით პასუხს.

პატივისცემით ალექ. ბარამიძე.
1919 ივლისის 15.

ქუთაისის ქალ. თვითმარჯველთა გარეგანი.

ქუთაისის ქალაქის თვითმართვლობის მოსამსახურეები შედარებით დღევანდელ ცხოვრების სიძვირსთან ფრიად მკირე ჯამაგირებს ღებულობენ, მუშას ოთხას მანეთიანი ჯამაგირი მარტო მქადის ფულათაც არ ყოფნიდა, მიუხედავად ასეთი აუტანელ მდგომარეობისა ქალაქის გამგეობა სრულიად არ ფიქრობდა თავის ხელქვეითების ნივთიერ მდგომარეობის გაუმჯობესებაზე, ის მოითხოვდა მათგან მოთმინებას და რევოლუციის საკეთილდღეოთ მსხვერპლის გაღებას და ამავე დროს თვით გამგეობის შემადგენლობამ ორხელ მოიმატა ჯამაგირი და სრულიად არ ფიქრობდნენ ასეთ მსხვერპლის გაღებაზე.

ასეთი უსამართლობის და ცხოვრების აუტანელ პირობების გამო თვითმართვლობის მოსამსახურეები, რათა გაეუმჯობესებიათ თავიანთი ნივთიერი მდგომარეობა იძულებული შეიქნენ გაფიცვით დაემუქრობდნენ ქალაქის გამგეობას და ამით აიძულეს ქალაქის საბჭო დაედასტურებია მოსამსახურეთა ჯამაგირების მომატება, მათ მიერ წარდგენილ მოთხოვნის მკირე დაკლებით.

ჩვენი ქალაქის მოღვაწეები დიდ ცდაში იყვნენ, რაც შეიძლება შეეცვათ მოსამსახურეთა მოთხოვნილება და რათა დრო მოეგოთ ქალაქის მოღვაწეებს, უკეთესი შედეგების მისაღწევად დაეკადრებინათ მოთხოვნილების დაკმაყოფილება. სხვადასხვა მიზეზები წამოუყენეს მოსამსახურეებს და სხვათა შორის ისიც, ვითომც გამგეობას მოთხოვნილების წინასწარ დაკმაყოფილებისათვის განზრახული ჰქონდა მოსამსახურეთა შტატის გადართავი და მისი შემცირება. ვეკითხებით ქალაქის მოღვაწეებს, უკეთესი შედეგების მისაღწევად შეტადი, რატომ დღემდის არ მოახდინა ასეთი და ამ წლის განმავლობაში რათა აძლევდნენ ისედაც ღარიბ ქალაქის კასიდან ჯამაგირებს იმ პირებს, რომლებიც ზედმეტი ბარგი ყოფილან ქალაქისათვის და რას უნდა მიეწეროთ ის მოვლენა რომ ზოგიერთი გამგეობის წევრები თავისიანების სამსახურში მიღებით ნაცვლად შტატის შემცირებისა პირიქით მას გაფართოვებას უწყობდნენ ხელს; მარა რას უნდა გამოველოდეთ ჩვენ ისეთ ქალაქის გამგეობიდან, რომელმაც ქალაქის თვითმართვლობის არა საიმედო მოსამსახურეებიდან გაწმენდაც ვერ

შესძლო დღემდის, არამც თუ გააძევა საეჭვო პირები გამგეობიდან, პირიქით ძველი გამგეობის მიერ აშკარა ქურდობისათვის დათხოვნილი ზოგიერთები დღეს მიღებულია გამგეობაში და განაგრძობენ თავისებურ სამსახურს. ერთმა ასეთმა პირთაგანმა თავის ჩვეულება თვით გამგეობის შენობაში გაიმეორა და მოიპარა ელექტრონის ასანთები, მარა არც ასეთ დანაშაულობის შემდეგ იქნა ის გაძევებული სამსახურიდან და რეგარც ავი ენები ამბობენ ის უფროსი მონაგრისის მეოხებით გაამართლა, როგორც ქალაქის გამგეობამ ისე მოსამსახურეთა კავშირის ძველმა გამგეობამ.

ვიმეორებ მოსამსახურეთა ძველმა კავშირმა, ვინაიდან განახლებული კავშირში დღეს ისეთი ახალი ძალები მოხვდა, რომლებმაც შესძლეს მისი გაჯანსაღება და მისი დანიშნულების სიმძლავრე დაეყენება. ამიტომაც არის განახლებული კავშირ-ენერგიული შეუდგა ზოგიერთ მოსამსახურეების ბნელ საქმეების გამაშვარებას და სხვა შორის ერთ თვით კავშირის წევრთაგანს დაუმტკიცა არა სასურველი საქმიანობა, რომელიც დაუყოვნებლივ გააძევა კავშირის წევრობიდან. თავის თავად ცხადია ქალაქის გამგეობას თავის მხრით ასეთი მოსამსახურეი სამსახურიდანაც უნდა დაეთხოვა, მარა ზოგიერთმა გამგეობის წევრებმა მისი მფარველობა არჩია და ის დღესაც სამსახურს განაგრძობს.

ამრიგად ქალაქის გამგეობამ მოსამსახურეთა კავშირს მხარი არ დაუჭირა არა საიმედო პირების გამეფებაში, მარა მოსამსახურეთა კავშირი მოვალეა განაგრძოს საეჭვო მოსამსახურეთა საქმიანობის გამოძებნა და მათი გამოაშკარეება, ამასთანავე დააფასოს იმ გამგეობის წევრის მოღვაწეობა, რომელიც ქალაქის საქმეების საზიანოთ ელოდება დღეს მოსამსახურეთა კავშირის სამართლიან მისწრაფებას და ის რაც დღემდის ვერ მოახერხა ქალაქის გამგეობამ უნდა შესძლოს განახლებულმა კავშირმა და მოსამსახურეთა შტატების მაქსიმუმამდის შემცირება უნდა დაიწყოს არა საიმედო პირების გაძევებით, თუნდაც ამისათვის დასჭირდეს მას ბოიკოტის და სხვა ასეთ საშუალებების მიმართაც. ასეთი პირები უკეთეს დღემდის დაკლებულ ჯამაგირებდნენ ტყველათ ქალაქის კასიდან, დღეიდან მათვის მომატებულ ჯამაგირების მიცემა ორმაგი დანაშაულება იქნება.

ქალაქის კასიდან ერთი კაპეიკი არ უნდა ეძლეოდეს „პარაზიტებს“ და არა საიმედო მოსამსახურეებს, არამედ მომჭირნეობით უნდა იხარჯებოდეს ქალაქის ნამდვილ საჭიროებისათვის.

„გლეხიძე“.

პროვინცია.

გორი აქ ცოტა ხნით დაბანაკებული იყო თბილისიდან მოსული საგუბერნიო ბატალიონი და ლეგიონთა რაზმი. მათ თავგასულობას და ქურდობას ბალებში საზღვარი არა ქონდათ; დღე და ღამ მუდამ იარაღით შედიოდნენ ბალებში და არავის ეპუებოდნენ; ამას წინაშედ თავის ბალებში თათარმა ამირჯიბმა საფანტით სასიკდილოთ დასჭრა დღე ორი ჯა-

რის კაცი, რომლებშიც ერთი უკვე გარდაიცვალა და მეორეც ავით არის. იქვე იმავე ბაღის გვერთხედ მდებარეობს გორის სემენარის ბაღი, სადაც ყოველ დღე და ღამ დადიოდნენ და ქურდობდნენ, ერთ ღამეს ბაღის გამგე მასწავლებელმა თოფის სრალით გარეკა ივინი ბაღიდან, მაგრამ ამით არ გათავდა. გაქცეული ჯარისკაცები შეიარაღდნენ და ხელმეორეთ დაეცნენ მასწავლებლის ბინას და სიკდილოთ ემუქრებოდნენ. მასწავლებელი თოფით გამაგრდა სახლში და მოახერხა გადარჩენა ოჯახისა და თავის თავისა სიკდილისაგან, და აწიოკებისაგან, აი ასეთი მამულის დამცველები გვყავს ჩვენ ამ ორ ნაწილში.

გარდა ამისა გორის გარეთა უბნებში, ფერშანგოვის ბაღში, მოკლეს ღამით ჯივლი მებადე იმერელი და მიწაში ჩაფლეს. მოკლულის გვამს ამაოთ ეძებდნენ ნ დღე. მხოლოდ შემდეგ ძაღლებმა იპოვეს იგი მიწაში, რადგანაც გამოათრევს მისი ნახევრათ დამალი გვამი, ტყვიებით განგრეული. ამ მებადის მუხობლების სიტყვით ესაც ჯარის კაცებისგან ყოფილა, რადგანაც ვინტოკით არის მოკლული და ბაღებში ვინტოკებით ისინი დადიოდნენ.

სპეკულიანტების თავგასულობას გორში საზღვარი არა აქვს. ერთ მხარეს ირახმება სპეკულიანტთა გაუმძღარი ხროვა და მეორე მხარეს გაძვალტყავებული დემოკრატია; დემოკრატია მალე მოუგრებდა კისერს, რომ მათ მხარს არ უჭერდეს ბურჟუაზიული რესპუბლიკის აღმშენებლები საშველი აღარსაიდან არის. ხალხი უქმელობით გადაგვარდა, დასწულდა, ჩვენითვის არც ნიხრი, არც სხვა რამ ზომა სპეკულიანტთა წინააღმდეგ არ არსებობს. გორში იმდენათ ბევრია საზოგადოებრივი კოპერატიული თუ სხვა დაწესებულებებში, რომლებსაც შეეძლოთ მიეწოდათ ხალხისთვის სანოვანე ცოტა იაფ-ფასები, მაგრამ რა გამოვიდა აქ ფულია საჭირო და ფული კი მთლათ სპეკულიანტებს ჯიბეში მოგროვდა და საზოგადოება მათ ვერ შეეხება, რადგანაც ეს კერძო საკუთრებაა და ბალშევიკობას დაგვწყამენენ. ერთი სიტყვით სპეკულიანტების ხელში ჩვენი ოფლით შეძენილი გროშებიც, ჩვენი ქონებაც და ჩვენი გატანჯული მშვიერი სულიც, რომელსაც, როდესაც უნდათ ამოგვაშრობენ.

დ—რ.

სოფ. ატენი. იშვიათათ იქნება ისე ბუნებით დაჩაგრული სოფელი, როგორც ატენია. იგი ვიწრო ხეობაში გამოწყვედილი და ვიწროთ დასახლებულია დიდ მამულის სიღრმეში განიცდის. აქ მიწის მფლობელობა კომლზე თითო დღიურს არ აღემატება, სადაც აქვთ გაშენებული ვენახები და ატმის ბაღები; ამ ხეობის არე-მარე ერთ დროს მშვენიერი ტყეებით იყო დაბურული და ბუნებით მდიდარი, მაგრამ სოფლის საუბედუროდ საიდგანდაც გაჩნდა უცხო წურბელა სოფლისა ზეზემანი და ამ ხეობაში ამაღწევა სახერხი ქაჩახანა, რასაც მოჰყვა ტყეების გაკაფვა და საშინელი ნიაღვრები, რომელიც ანგრევს მათ ავლა-დიდებას ბაღებს და სახლებს. თითონ ზეზემანის კარმიდამო თავის ქარხნით და ბაღ-ვენახე-

ბით, რომელიც ათასნაირი ხრიკებით ჩაუვლია ხელში ჩვენი თავადებიდან, გაშენებულია საუკეთესო ადგილას და უზრუნველყოფილია ნიაღვრის შიშისაგანაც. აი სწორეთ იმ გარემოებაში, რომ სოფელი წყალს მიაქვს და ამავე დროს კი ნამდვილი სასოფლე ადგილას, რომელიც მოაწყულია იმათვე მამა-პაპის ოფლით, გამოქმნილია უცხო ექსპლუატატორი, აი ამ გარემოებაში მეთქი, დაბადა დიდი შურისძიება ხალხსა და ზეზემანს შორის.

ხალხს იმედი ჰქონდა რომ მთავრობა მას ჩამოართმევს და ხალხს გადასცემს დასახლებლათ, მაგრამ აქაც იმედი გაუტრუვდათ, ერობამ თითქო ჩამოართვა, მაგრამ თავის საკუთრებათ გამოაცხადა, მაშინ გაბოროტებულია ხალხმა როდესაც დაინახა, რომ მოტყუებული დარჩა და ჩამოართმეული ვენახის ნაწილი ძირიანათ გადაკაფა.

ხალხის სიბოროტე იქამდე მივიდა რომ უკანასკნელ საშუალებას ტერორს მიმართეს, კვირას 20 მკათათვეს გორში მილიციამ შეიპყრა 4 კაცი, ერთგანი მამის დაბეზლებით, რომლებსაც ზეზე მონის მოკვლის განზრახვა ბრალდებათ ამისათვის ატენელებისგან ფულიც აუღიათ, მილიციამ შეიპყრო ისინიც ვინც ფულს დაჰპირდა მკვლელებს.

ეს ზეზემანა ნამდვილ ჯაშუშის როლს თამაშობს ხალხს და მთავრობის შორის და ერთმანეთს უსისინებს მაგალითად აღმინისტრაციას ეუბნება სანამ ათიოდე ატენელს არ ჩამოახრბოთ ეგენი არ დაწყნარდებიან. თითქოს ეს ხალხი ვიღაც მტრის ბანაკებიდან იყვნენ და არა ჩვენი შვილები, რომლებიც უნდა გაიმეტოს მთვრობამ დასახვრეტათ იმიტომ რომ ეს საჭიროა აქ ესამოვენება ზეზემანა ხალხს კიდევ აქეზებს მთავრობის წინაშე და ეუბნება მე რა შუაში ვარ მე ჩამომართვეს მაგრამ მთავრობა თქვენ არ გაძლევთ თითონ მისსაკუთრათ სანამ გერმანელების ჯარი იდგა აქ იმით ემუქრებოდა ხალხს და მთავრობას ახლა კი ინგლისელებს უძვრება და ასრე შვრება მუდამ.

დაგორ.

ახალი ამბავი.

ორშაბათს საღამოს 7 საათზე პირველ რაიონის ბიუროში დანიშნულია კავშირის წევრების კრება.

რედაქციამ მიიღო ჩვენი ამხანაგის დ. გარათმაშვილის ახალი წიგნი „მებაღეობა“. მოკლე სახელმძღვანელო ხეხილთა გამრავლებისა და მოვლისა.

ადერბეიჯანის და მთიულების დეპუტატებმა გააკეთეს ცნობა სამშვიდობო კონფერენციაზე, რომ ამ ორ სახელმწიფოს შორის არავითარი ტერიტორიის დავა არ არის.

როგორც ბათუმიდან იტყობინებიან იქ ჩრდილო კავკასიიდან დიდ ძაღმა გამოქცეულულებმა მოიყარა თავი დაახლოვებით 4500 კაცამდე, გამოქცეულების პარტიებს გზავნიან საქართველოს და სომხეთის გზით და მიჰყავთ ბათუმში.

საქართველოს მომართვა

მინსკი. 22 ივლისი. ვარშავაში გაფიცულთა მოძრაობამ მიიღო ფართო ხასიათი. გაფიცვები გრძელდება.

სტოკჰოლმი. 21 ივლისი. ნორვეგიაში მოვლიან 24 საათით საერთო გაფიცვას. სოციალისტური მოძრაობა ვრცელდება ნორვეგიელ სალათებს შორის.

ბუდაპეშტი. 22 ივლისი. ინგლისის სოციალისტების პარტია ემზავება მასსიურ გამოსვლისთვის.

ნაუენი. ედინბურგში დააპატიმრეს 57 ოფიცერი და ციხეში მოათავსეს კონტრ-რევოლუციური გამოსვლებისათვის.

ლია წერილი

ოზურგეთის კომისრის ყოფილ თანაშემწეს ი. ლომაძეს.

რედაქციამ მიიღო თქვენი წერილი, სადაც თქვენ იწერებთ, რომ შეურაცხყოფილათ სცნობთ თავს „აქაურის“ წერილით, რომელიც „ახ. ნაკ.“ 33 №-ში იყო მოთავსებული და გვთხოვთ გაცნობოთ მისი ნამდვილი სახელი და გვარი. სამწუხაროთ უნდა აღვნიშნოთ, რომ ჯერ-ჯერობით თქვენ თხოვნას ვერ ვასრულებთ, ვინაიდან ჩვენ საჭიროთ და აუცილებლად მიგვაჩნია პრესის საშუალებით გასცეთ პასუხი მის წერილზე და წით დაამტკიცოთ საზოგადოების წინაშე თქვენი სიმართლე.

რედაქცია.

ჩვენს ამხანაგებს

ვინ არ იცის, რომ დღეს ბეჭდითი საქმე მეტად გართულდა და შეუძლებელი ხდება მისი გავრცელება ხალხში, ამიტომ ჩვენი რედაქცია კიდევ მოაგონებს მუშა ამხანაგებს, რომ შეძლების დაგვარათ დაეხმარონ თავის ინტერესების გამოძახტველ გახეთს მატერიალურათ და იდეურად.

რედაქცია.

ჩვენი პოსტა.

ვახ. „ახალ ნაკადის“ კანტორას სთხოვს: საჯავახოს, ოზურგეთის და სამტრედიის აგენტებს გახეთის ხვედრი ფული გამოგზავნონ დროულად.

რედაქცია სთხოვს პროვინციელ ამხანაგებს გამოგზავნონ კორესპანდენციები.

რედაქტორ-გამომცემელი.

სარედაქციო-კოლეგია